



史改初手書之二卷附圖史改秘書一卷

是年清明崇禎癸未曾刊行以蓋據亦  
時刊本錄道光辛丑揚州重刊世書乃改

名則克錄脫謄甚多圖志未備

129

吳氏藏

嘉業堂藏書

子部兵家類

大攻初要二卷附

大攻秘要一卷

秦西陽若望著

舊鈔本一

冊

四  
65

火攻挈要

自序

中國之火攻倫矣其書亦綦詳矣似無容後人可贅一詞然而時異勢殊有難以今昔例論深心者更不可不審機觀變對症求藥之為愈也即古今兵法言之如武經總要武學大成武學樞機紀效新書練兵實紀練兵全書登壇必究武備志兵錄一覽知兵諸書所載火攻頗稱詳備然或有南北異宜水陸殊用或利昔而不利於今者或更有撫拾大濫無濟實用者似非今日救急之善本也至若火攻專書稱神威私旨火德新書安攘秘著其中法制雖備然多滂雜濫溢無論是非可否一槩刊錄種類雖多而實效則少也如火龍經制勝錄無敵真銓茲又東竒覓異巧立名色徒炫耳目罕資實



用唯趙氏藏書海外火攻神器圖說祝融佐理其中法則規制悉皆西洋正傳然以事干軍機多有慎密不詳載不明言者以致不獲茲技之大觀甚為熱衷者之所歎也曷質性愚陋不諳韜鈴但以虜寇肆虐民遭慘禍因目擊艱危感憤積弱日究心於將畧博訪於奇人就教於西師更潛度彼已之情形事機之利弊時勢之變更朝夕講究再四研求止為痴憤所激乃二三知己誤以曷為深諳茲技每問器索譜曷茫無以應因不揣鄙劣姑就各書之要旨師友之秘傳及苦心之偶得去繁就簡刪浮採實釋奧註明聊述成帙公諸同志以備參酌云爾

崇禎癸未孟夏十月之吉

後學焦勗謹識

火攻挈要卷上

目錄

槩論火攻總原

詳參利弊諸原以為改圖

審量敵情斟酌製器

築砌鑄銃台窰圖說

鑄造戰攻守各銃尺量比例諸法

造作銃模諸法

下模安心起重運重引重機器圖說

論料配料煉料說畧

造炉化銅鑄鑄圖說

起心看塘齊口錠塘鑛火門諸法

製造銃車尺量比例諸法  
 裝放火銃應用諸圖說  
 收蓋火銃鎖匙圖說  
 製造各種奇彈圖說  
 製造狼機鳥機鳥鎗說畧  
 製造火箭噴筒火礮地雷說畧

火攻挈要卷上

概論火攻總原

用兵之道原以角勝而已唯彼此角勝則愈久愈變而愈得其  
 精自蚩尤始變造五兵以勝徒手黃帝再變造甲冑以勝五兵  
 至春秋漸變而制弓弩礮石遠擊之技又以勝短兵矣孫子更  
 變而用火攻林人馬林糧草林輜重林府庫林營寨謂之五火  
 更勝于兵器之利多矣嗣後益變至我國朝更制有神威發煩  
 滅虜狼機三眼快鎗奇器置之軍中更覺隨時可用隨地可施  
 以此蕩平寇虜廓清宇內戰勝攻取所至必克此又勝於燒林

泰西湯若  
 寧國焦



涿鹿趙仲訂

之技絕相遠矣。近來傳得西洋大銃其精工堅利命中致遠猛烈無敵更勝諸器狀則談火攻者豈宜徒執往見哉。必應翻狀詳察利弊灼近今所以不勝之故計將來所以致勝之方而後可。此編條分縷晰以求萬全庶講武備者可識火攻之微意矣。

詳察利弊諸原以為改圖

軍中所恃以無敵者火攻是矣。先聲能奪人之氣隔地能傾人之命一先之彈可以斃萬夫之將一囊之藥可以敗百年之兵誠兵器之首利禦敵之前鋒也。奈何近來徒有火攻之虛名並無火攻之實效其故何也。蓋因承平日久庸將驕兵粉飾虛文罔計實用鑄銃無法不諳長短厚薄度數之節不能命中致遠或橫顛倒坐及崩潰炸裂而反傷我軍造藥無法不諳分兩輕重之數配合研搗之工不能摧堅破銳或損鎗壞銃及收據失事而延禍極慘裝放無法不諳遠近之宜眾寡之用循環之術或先期妄發賊至而反致缺誤或發而不繼乘間而衝突可入或愴惶失火未戰而本營自亂此貽害莫大勝者果安在哉。為今之計必宜改絃易轍詳悉講求如鑄銃必如何可以便遠而

猛疾而準如何使銃身不動無橫顛倒坐及炸裂等弊如何分  
戰攻守三并銃身上下長短厚薄何以合宜如何使子銃與母  
銃大小長短何以合法如造藥必如何可以使迅速而猛烈如  
何使燃之手必不熱紙上不焦及不致傷損鎗炮如收藥必如  
何可以過夏不潮如何使久貯而無疎失之弊如裝放必如何  
分仰平倒三法而知彈所到之遠近如何用鉛鉄石彈與何銃  
相宜如何使擊放寬大而殺賊多如何使循環迭擊而炮不絕  
如何令擊放終日而無失火之虞如何使熱炮即冷可以復裝  
如何用銃必如何運重為輕可以疾趨如何轉動機活可以迎湊  
如何可以升高渡險不致阻滯如臨陣如何擊虜之零賊如何  
拒虜之全軍如何倫虜之迭進如何取虜之主將如何使火器  
不放而虜騎亦不敢衝突我營必如此詳審則弊自去而利自  
存矣

審量敵情斟酌製器


人知攻敵全恃火器未知製器先欲量敵故製器得法可以勝  
敵則一器可收數器之功若製器無法不能勝敵則百器不獲  
一器之用今設大敵相遇於此彼人壯馬激箭利弓強既已勝  
我多矣且近來火器又足與我相當此時此際自非更得迅利  
猛烈萬全精技每事務求勝彼一籌或如何以大勝小以長勝  
短以多勝寡以精勝粗以善用勝不善用則勝斯可必也如目  
前火器所貴西洋大銃則彼不但有而今且廣有矣我雖先得  
是銃素未多備且如許要地竟無備焉自此而下其大器不  
過神威發殲賊虜踣小器不過三眼快鎗此皆身短受藥不  
多發彈不遠且無焰準而難中的銃塘外寬內窄不圓不淨兼



以彈不合口發彈不迅不直且無猛力頭重無耳而轉動不活  
尾薄体輕裝藥太緊即顛躍炸裂似此粗惡疎瑕及足取害安  
能以求勝哉為今火器無如倣昭西洋其大者依法廣鑄各并  
大銃小者狼機鳥機鳥鎗只此數種其制亦長短中矩厚薄適  
宜其用能命中遠致堅利猛烈更以鑄造有傳藥彈兼精裝放  
如法配以精平利兵翼以副軍堅陣統以智勇良帥以戰則克  
近有鳥鎗短器百發可以百中遠有長大諸銃直擊數十里之  
遠橫擊數十丈之濶更有大塘豕銃擊寬斃眾慘烈無比以攻  
則飛帛自上擊下人民房舍無不齏碎鰲翻自下擊上鉅郭重  
墻莫不掀裂更有虎嘍獅吼直透堅城如摧朽物以守則有台  
垣異制窺遠神鏡長短銃器遠可以洞其形情近可以殄其狂  
銳如是器美法備制巧技精力省功多兵少威強以是禦敵庶  
幾有可勝之道也

築砌鑄銃臺密罔說

鑄銃之台四旁用磚砌中間用黃土填滿築實高一丈六尺寬  
長各四丈正面凹進三分之一其形見方凹處兩傍及台後各  
用磚砌梯橙以便上下凹處之裏面又開井窰以為安模之用  
其窰深二丈寬徑六尺正面敞口底下開竅以通濕氣其台上  
葺棚聽候造模化銅之際隨用所宜臨時蓋搭不必預設台之  
間窰另搭庫棚二間收藏器具物料等件以便臨時取用其大  
窰必安窰後以便引銅傾鑄造模宜近窰








鑄鏡臺

登梯


窠

Faint handwritten text in vertical columns, likely bleed-through from the reverse side of the page. The text is mostly illegible due to fading.







守銃



虎嘍銃



攻銃



寬徑

噴銃

窄徑

鑄造戰攻守各銃尺量比例諸法

西洋鑄造大銃長短大小厚薄尺量之制着實慎重未敢徒恃聰明臆創妄造以致誤事必依一定真傳比始度數推例其法不以尺寸為則只以銃口空徑為則蓋謂各銃異制尺寸不同之故也唯銃口空徑則是就各銃論各銃以之比例推算則無論何銃亦自無差誤矣

戰銃空徑三寸起至四寸止身長從火門至銃口三十三徑火門前銃墻厚一徑耳前墻厚七分九厘徑銃口墻厚半徑銃底厚一徑尾珠在外其珠之長大各得一徑銃耳之長大俱各一徑火門至耳際得十三徑耳得一徑耳前至銃口徑得十九徑此係四六比例之法火門距耳得十分之四帶耳至銃口得十分之六也其體重五百斤至千斤止亦有頂大重三千斤者其彈重四斤至十斤止

飛龍銃空徑三寸起至五寸止子母銃身共長五十五徑大號  
用子銃三門小號用子銃五門子銃身長五徑底一徑周墻得  
一徑子銃口入窠宜深後拴鎮壓窠當緊窠窠得一徑拴窠得  
半徑子銃火門至母銃耳際得一十二徑耳得一徑耳前至銃  
口得三十二徑餘悉始前此亦狼机之制因能遠發故名飛龍  
彘銃口下空徑五寸火門前裝藥窠空徑二寸五分身長從火  
門至銃口八徑塘內裝藥窠得二徑藥前寬窠得六徑裝藥  
墻厚半徑銃口墻厚二分五厘徑銃底厚一徑尾珠銃耳長大  
各六分徑火門至耳際二徑耳得六分徑耳前至銃口得五徑  
四分此係四分比例之法謂火門距耳得一分帶耳至銃口得  
三分蓋以銃前塘寬體輕故也又以塘口徑寬故名彘銃  
噴銃口下空徑一尺火門前徑五寸身長從火門至銃口四徑  
塘內從底至口一直往上如喇叭之形不比彘銃分寬窄

兩截也火門前墻厚二寸五分銃口墻厚一寸二分五厘底厚  
三寸尾珠銃耳長大各三寸餘悉始前此亦彘銃之類但體更  
輕所裝彈藥更多  
攻銃空徑四寸起至六寸止身長十八徑至二十二徑止火門  
至耳際得八徑耳得一徑耳前至銃口得十一徑彈重十斤至  
五十斤銃塘更宜光直用彈定要緊貼藥上且與塘內毫無寬  
縫漏火則發彈遠射而且有力餘悉始前  
虎嘯銃空徑六寸起至一尺止身長二十徑彈用五十斤至百  
斤止銃身較戰銃可加厚三五分餘悉始前  
獅吼銃空徑一尺至一尺五寸止長十五徑彈用一百斤至三  
百斤銃身始戰銃可加厚半徑餘悉始前  
飛彪銃口下空一徑二尺火門前裝藥窠空徑一尺身長從火  
門至銃口四徑塘內裝藥窠二徑藥前寬窠二徑口下墻厚

半徑裝藥處牆厚七分五厘徑底厚七分五厘徑尾珠銃耳長  
大各半徑火門至耳際得徑半耳得徑半耳前至銃口得三徑  
守銃空徑三寸起至五寸止身長十六徑至八徑止彈用四斤  
至十斤止餘悉如前

西洋製守銃殊短之意蓋備敵人攻城時之所用也若敵人屯  
營遠窺必藉長戰銃遠擊以亂其營使彼不敢久停若蟻聚蜂  
擁逼臨城下又必藉大彘銃以為敵寬斃衆之計若高築敵台  
負固對擊則更必藉大銃攻銃以為攻堅之用總之遠近寬窄  
隨宜酌用變化在人又豈可拘泥名色而自誤實用之功效哉  
但守銃之耳制大約以銃口距耳應得身度三分之二帶耳至  
火門應得三分之一蓋謂守銃利於朝下放故也其守城之彘  
銃較戰陣之彘銃又必加長四徑共得十二徑方可遠擊而斃  
敵也若止於八徑則火力短而出彈及至中敵已無勁矣



箍



花頭



耳



字樣



底



珠



木模



鏡心



子鏡







心模

棍轉

錠架


模泥

木盪



造作甕模諸法


用乾久楠木或杉木始本甕体式鑿成甕模兩頭長出尺許做  
成軸頭軸頭上加鉄轉棍安置甕架之上以便旋轉上泥木模  
既成將甕耳甕箍花頭字樣等模安上用羅細煤灰勻刷一層  
候乾用上好膠黃泥和篩過細砂二八相參或用本色砂土亦  
可用羊毛抖開參入泥內和勻作經不可太乾亦不可太溼如  
塗牆之泥為準泥或塗在模上每次約可寸許塗勻將轉棍轉  
動用員口木板盪蘸水盪平候乾始前再上其泥之厚薄始甕  
口空徑一徑六分如甕口徑五寸則模泥用八寸厚是也俟上  
泥厚至三分之二則以粗條鉄線從頭密纏至尾纏畢始前上  
泥俟上至十分之九則以指大鉄條始依模長大甕模用十六  
根次甕十二根小甕八根勻擺模上作骨隨用一寸寬五分厚




鉄箍大號用八道次號六道小號四道。始泥模頭尾勻度大小  
勻箍鉄條之外又始前上泥上完盪勻候乾透然後可用其乾  
之日期大號鉄模約待四個月次號三個月小號兩個月可必  
乾矣。俟乾畢將木心敲出用炭火入模內一則煉乾泥模二則  
燒化。既耳鉄箍及花頭字樣等件成灰候冷用鷄毛帚掃出灰  
渣將木鉄模底安定再安尾珠。悉始前法上泥上完候乾取出  
木底用炭火燒化尾珠俟冷淨聽候下窰鑄造。

模心用鉄始本鉄空徑長短打成鉄心其徑之大小即始本鉄  
空徑之半如空五寸則鉄心當用二寸五分周圍之泥共得二  
寸五分心尾打方孔深三寸許另安鉄轉棍在內以便旋轉其  
鉄心之首長出二尺折轉五寸為扒頭以便拴繩提放之用鉄  
心二三寸之下留一方孔安鉄轉棍鉄心之下尺許留十字方  
孔以穿寸大鉄條以便下模閣置外模之上鉄心既成安於鐵  
架之上始前法上泥漸次上完用羅細煤灰上勻聽候乾用

起重








木檐


運重

繩





鑄模



下模安心起重運重引重機器圖說  
 凡大甕之模輕者數千餘斤重者數萬餘斤若非預製機器運  
 重為輕則斷不能隨手轉動也

起重用六寸徑二丈長堅木三根作柱柱頭用鉄箍箍下鑿一  
 圓孔二寸徑大用圓鉄拴一根長二尺四寸將三柱穿縮一處  
 鉄拴之兩頭用鉄箭箭住將柱品字堅立於中柱穿拴之下隔  
 二寸許鑿圓孔二寸徑大拴繫雙銅盤滑車上下二具以徑寸  
 粗麻繩二根穿入上下滑車之內拴二柱下脚離地二尺五寸  
 許開半規用五寸徑堅木一根為軸約長七八尺納柱半規之  
 內外用木二尺亦開半規幫釘軸外十字穿心勻安木担四根  
 長四尺將上繩拴繫軸上下繩拴繫模尾用四人絞轉軸木則  
 繩漸升而模自起矣凡起重物俱可例用

此器人用者頗多，但上懸滑車，止有單盤一輪，所以起重猶貴力耳。茲則妙在滑車有上下二具，雙層銅盤，共有二十二稜。上下繩索，婉轉活利，較之尋常，省力數十倍矣。

運重用堅木一根，一尺二寸徑，三丈長，為總柱，鈞分兩截。上截長一丈，頭用鉄箍，箍下四寸許，開馬口方孔，二尺高，八寸寬。孔內之下，安二寸徑鉄圓拴一根，以便會架橫担。孔下鉄箍一道，柱之下頭，亦用鉄箍，內嵌以鉄盤，中開方孔，徑二寸五分，深一尺五寸，納以方頭鉄心，下餘一尺，為圓鑲，頭尖圓，挿入下截柱內，以便轉動。下柱長二丈，將一丈埋入土內，土上存一丈頭，用鉄箍，內嵌以鉄盤，中開圓孔，徑三寸，深一尺二寸，孔底嵌以鉄臼，鉄臼中心圓窩，外體方形，徑二寸五分，厚二寸，孔塘鑲嵌鉄筒，其長焰塘厚一分。上下兩柱交挿之際，上柱微粗，下

柱微細，以便轉動。其柱心鉄鑲畧長二三寸，柱末相接處畧短二三寸，則轉動之時，庶不壓住，而活便隨手矣。柱外用木圈四筒，小柱五根，長一丈，徑大四寸，造成套式，安置大柱居中之處。上半截實釘柱上，下半截為活套，稍寬二分，套上安置拉壓等木，以便轉動。所用担壓等木，或榆或檀，担木八寸寬，一尺厚，一丈二尺長，於担身三分居二之際，鑿二寸徑七分圓孔，以便會架。柱頭鉄圓拴之上，在下壓木見方六寸大一丈三尺長，居中壓木長六尺，見方四寸，拉木各長五尺，厚二寸，寬三寸，兩旁夾木厚三寸，濶四寸，其拉壓之際，各用寸徑鉄圓筭，以便轉動。在上担木之末，用二寸徑粗麻繩安套，以挽模首。在下壓木之末，用徑寸麻繩安套，以便拉挽。

此器中國名為天秤，但止用柱頂橫担一根，所以用力猶難。茲



用拉壓三層絲短漸長上下牽拽左右轉動用人極少而得力極大矣

引重轉軸級担志宜高與胸平則轉絞便於用力其餘法製簡約顯明看罔自知不另立說


下模先於模体半乾之時將火門之上開一方孔寬半徑長一徑外口畧寬以便安置鉄插將原泥仍始孔做成泥塞煉乾以備塞孔之用俟模已乾用運重繩拴住模首用起重引重繩各拴住模尾拴繫既定將運重起重一齊升挽離起原所引運重壓柄向前轉送以引重前拽引至窰井受模之處將模漸落安對模窩次以模首引扶端正於火門之上所開方孔用折疊圓圈十字鉄插折轉送入模內展開安置穩當其插徑之鉄條或五六分大或一寸大於模口二尺之外亦用折疊鉄插折轉放

進模內展開從下擡上安妥用壯繩四根各拴鉄鈎一住鉄擋將繩頭各拴繫模外聽候安心

安心先將模心始前升挽引至模口極力升起端正對插內從容放落挿入下插之內安妥將鉄心之上十字鉄拴架平緊縛兩旁夾柱之上將下口塞緊上鈎取出四圍用乾土築實底下用法以通濕氣

論料配料煉料說畧

凡鑄大銃必先慎用銃之質體蓋銃之質體猶人之肌體也肌  
體不固則人必患病質體不堅則銃必受傷缺質粗疎兼雜土  
性若以生鑄必難保全必着實燒煮化去土性追盡鉄屎煉成  
熟鉄打造庶得堅固銅質精堅具有銀氣但出礦之際人必取  
去其銀而反參益以鉛則銅質亦轉粗疎恐銃鑄成多有炸裂  
之病今鑄銅銃必先將銅煉過預先看驗質體純雜堅脆若何  
如法參兑上好碗錫少許用尋常炉座照常法將銅鎔成清汁  
以錫參入化勻傾成薄片或三斤五斤一塊聽候燒入大炉鑄  
造



鐵耙



鐵槍



鐵鑽



短鉗



長鉗



造爐化銅鑄圖說

西洋鑄鐵大爐不用煤炭只用乾柴先將爐底旁邊挖坑二尺餘深用磚砌為灶池其爐底用硬磚砌平厚五寸許上用牛羊骨燒灰研麵同磁麵黃泥青灰和勻塗於爐底之上及出銅之口與榴槽等處厚二寸許再用傾銀確用水泡爛均塗受銅過銅等處厚五六分蓋取骨灰物等細膩堅密不致銅有滲漏之弊爐底四圍畧高中心微低於抵處至口愈宜漸低以便出銅爐之外形高三尺內鑄銅之池及燒柴之灶距頂二尺餘高其灶形長扁橫直得池之半徑於池相平處用寸徑鉄條橫砌空內上下之中每條相距二寸以便架柴漏灰貼池處砌一牆相隔上留寬縫三寸許以通火焰倒捲入池不用風扇其火猛烈其化銅更為迅速鉄條之際外開長形灶門以進柴下以透風其

灶之頂似捲洞灣形較前池頂畧高二三寸以暢火勢炉頂之  
 全形中高旁低狀如伏蛙蛙頭兩傍各開圓竅二寸餘大以通  
 烟氣其銅池圓形橫直得一方徑池之兩傍各開小門寬五寸  
 高八寸以便進銅俟炉造完畧乾用柴煉至通紅盡消濕氣毋  
 令底潮而凝銅也化銅之際將銅鉗入池內輕放池上慎毋亂  
 摔以傷池面俟入銅約勻三分之一即用大火催成汁逐漸添  
 銅俟化盡又添不則恐多添冷銅並前化者亦凝結矣俟銅汁  
 化清如油如火上起金花綠焰之際將炉口模口溜槽等物掃  
 淨將炉口鉄塞敲進引出銅汁來線漸放入模內候蒲本模數  
 寸之餘即將溜槽閉竅引銅別注平坦之地結為薄片以便後  
 來用時可以任意敲擊而取用也倘留在炉內則體質凝厚而  
 難擊碎矣

銃探



銃照





銃刀




銃套



刀銃





錠輪



起心看塘齊口磁塘鑽火門諸法  
 起心之法俟鏡鑄成三日之內將模心搖撼鬆泛至五日內用  
 起重將模心起出至八日內將土挖開用起重引重將鏡放倒  
 拉至平地兩頭墊起二尺餘高將模泥打去內外掃淨倘鏡之  
 外休雖好尚未知塘如何當用看驗之法驗其內塘若有深窩  
 漏眼則為棄物必將毀壞而再鑄矣如果全完光潤則以為寶  
 器當珍惜之蓋為西洋本處鑄十得二三便稱國手從未有  
 百而得百矣

看塘之法舊用火鏡對日光以鏡口對鏡借光反照看驗如何此  
 法雖是但恐陰晴不定難以應急又法以鐵打成螺絲轉杖名  
 為鏡探從下探上但微有窒突探到便知此法可用但未目睹  
 終屬意度畢竟不敢放心總不若新法以鐵打成棒推之形外






要長木柄名為斅胎將此入炉燒至極紅插入斅塘亮若燈光  
 從下胎上無微不見矣  
 斅塘之法即用鉄心去泥下頭方形上安鉄套外八面安純  
 鋼偏又斅刀上頭安車輪以十字鉄條絆緊輪外安鉄轉棍將  
 斅墊起駒齊兩頭平高將刀斅抬上斅床平對斅口插入口內  
 然漸斅進斅下銅末掃去再斅或三五次以光為度  
 齊口之法小斅用銅鋸大斅用鋼鑿齊末用大磋光  
 便是  
 鑽火門之法比胎內塘尺量緊挨斅底以純鋼粗鑽蘸油鑽下  
 與底相平方為合式凡係斅之倒坐與不倒坐全在於此若畧  
 高一二分則放斅之時必倒退數十步戰陣之際胎禍不淺慎  
 之慎之

半箕木栓

鏡栓

墊板




軸


透箕木栓

尾上鏡栓

銃



銃車





製造銃車尺量比例諸法

大銃之必用車猶利器之必用柄也。劍非柄則無以把握，銃非車則難以運動。故銃車之制必長短厚薄大小尺量比例合法。庶擊放之際不致搖撼，戰陣之間可追奔而輕便矣。其尺量等法亦以銃口空徑為則。以大木為牆，厚一徑，長如銃身加十分之二。牆頭寬四徑，半牆尾寬三徑。自頭距尾十分得六之處，微灣下垂。牆頭自身始牆寬徑一方之處，安車軸，於軸位之上。往前半截，開半規鑲以一分厚鉄片，以架銃耳。上下均安鉄箍。三道頭一道濶二寸五分，打釘十八個。中一道濶二寸，用釘十六個。尾箍濶一寸五分，用釘十四個。箍厚各二分，釘長二寸。牆頭色裏鉄片寬八分，徑長二十徑，厚三分。各用釘十六個。長各三寸，兩牆相合用木橫拴三根。見方一徑，上二根長四徑，半俱

半奠其一距牆頭一方徑居軸之上牆之中心其一距牆頭九分之三牆之下面拴軸相平其一距牆尾二徑居牆之中心長七尺半透牆外一徑用鉄箭<sub>二</sub>之上裏墊板長十徑寬三徑弱厚分一徑之三外用透奠鉄箭徑三根方半徑長七徑其一居牆頭木拴之後其一距牆頭九分之四牆之中心二者兩頭俱用鉄箭<sub>二</sub>之一其一居牆尾木拴之前兩頭貫以鉄環以便拴繩拉拽進退高下車軸長十三<sub>七</sub>徑大二徑中為方奠透出牆外距牆半徑鑿圓徑半之大穿入輪轂挨轂之處用鉄箭<sub>二</sub>之每箭長一徑餘一寸寬四分厚兩端用鉄箍<sub>二</sub>之濶一寸厚二分挨箍鉄鍵一轉每八條務與軸平以擋轂內鉄圈每鍵長二寸厚四分濶一寸車輪共十二徑大轂長四徑大亦如之外用鉄箍四道每道濶一寸厚二分轂內空塘一徑七分兩頭箍以生鉄穿其穿鉄之徑各一寸車輻每輪十四根各長五徑三分寬一徑厚八分徑車輞各七塊厚一徑二分濶二徑長五徑一分釘八個務透輞木長一徑五分見方七分鉄眼錢八個以便轉釘脚包輞縫鉄條各七塊每塊長五徑一分濶一徑厚三分用碾頭釘六個各長一徑頭大半徑

石丸  
鏡柄



十  
五



鏡

十

十

五

鉛

十

十

五

勾

鏡規

心

權線

股



藥鉞



銃筭




銃橈



轉杖



火繩鉞



裝放大銃應用諸器圖說

銃規

以銅為之其狀如粟矩濶四分厚一分股長一尺勾長一寸五分以勾股相交為心用四分規之一規分十二度中垂權線以取準則臨放之時以柄插入銃口看權線直某度上則知彈所到之地步矣其權彈用藥之法則以銃規柄畫鉛鈇石三樣不等分度數以量口銃若干大則知彈有若干重應用火藥若干分兩但鈇輕於鉛石又輕於鈇三者雖殊柄上俱有定法無各樣大銃一經此器量筭雖忙迫之際不唯不致悞事且百發百中實錄此器之妙也

銃墊

每銃四件厚一徑濶一徑長四徑墊後居中造圓柄徑大半

寸長一徑墊形從厚漸薄至前以便低昂

### 葉鋏

以銅片為之長五徑半濶徑半捲轉作鋏寬合鋏口半徑量稱葉數以為定準毋致臨期因寬悞事其口圓尖其木柄始銳塘加長一尺徑大一寸

### 銳掃葉撞

以羊毛為之徑如銳口以便掃銳之用其柄始銳塘加長一尺末接以檀木徑如銳口以便撞葉即名葉撞

### 起刮銳杖

以鉄為之長三尺五寸徑大一寸頭如鰻尾尖圓而扁以便起銳尾如蟹螯尖利開深一寸可刮銳鏽亦可以撓銳底低昂得宜

### 轉彈鉄杖

煉鉄為之長七寸其頭扁尖而利形如烟燒外向柄始銳塘加長一尺如彈不甚圓以急用悞投銳內致橫攔於半空不出以此撥之而使出也

### 鉗火繩杖


以銅為之左右各灣長三寸頭各開以便鉗繩點放中除直處三寸裝柄處亦三寸其柄用木長三尺

### 火繩

以榕樹根最嫩者去皮心椎軟和松脂粘繩或竹青亦可如棉繩麻繩必用新者入黑豆湯內每繩一斤用淨硝二兩煮晾乾聽用



鏡蓋  
箱



大門蓋

收蓋火銃鎖籬圖說

蓋口鎖籬

煉鉄為之其蓋始銃口外圍務寬大使轉如傘幃樣以避雨水浸灌其蓋徑兩際各繫鉄鑿灣曲之處俱用樞紐以便轉折以一礮合樞籬鉄處橫分折疊兩股以便圍轉以一礮開竅套兩股樞以箭之以便上鎖但蓋根底亦可那動故始銃口空徑造圓木一寸長釘於蓋之陰面如火門柱子一般則那動不開矣

火門鎖籬


煉鉄為之始火門銃身圍圓作籬厚二分濶二寸判為兩股股似半規兩端俱為樞紐先以兩股樞貫以鉄箭聯而為一以便開闔餘兩股樞以待合而後鎖之於近鎖稍偏三寸之

際比糴增潤一寸於糴背面安一鉄柱如火門孔稍以便出  
 納鎖匙先以糴柱挿入火門之內然後以兩股合樞上鎖庶  
 糴有根蒂不致上下那動其見方增潤亦不致雨水之浸


圓彈



响彈




寸一分之一






鍊彈




鑽彈







公孫彈



散彈



鑄造各種奇彈因說

銃之得力處全在於彈故西洋彈制非止尋常一色其用彈亦  
 非尋常一法有專以擊遠者攻堅者橫截者開濶者炸爆者寬  
 撒者驚震者燒焚者所用不同故其制各異惟合口之彈不可  
 太小小則銃塘縫寬火氣旁洩發彈無力且不得準亦不可太  
 大大則阻擱塘內倘偶發不出則銃必炸裂其法務欲大小得  
 宜湊合口徑微小二十分之一更欲光溜圓極毫無扁長至  
 斜等弊則擊放之際火力緊推彈身必更速到而中的矣其鑄  
 法始鑄銃模之泥兩塊做成磚形即以彈徑半規鉄片斲成半  
 窩上以羅細煤灰刷塗又用半規斲勻模成候乾燒過兩塊對  
 縫箭合以麻皮纏裹前泥封固聽候用鉄鏟鑄每鑄或一枚或  
 數枚不拘俟彈鑄成鉗置圓窩鉄砧之上即趁熱將彈上鑄口

縫痕立即打圓若彈冷必再燒再打定以極圓為止若鑄小鉛彈即以紫石為模每一鑄可得數十枚或鑄成或用刀削圓鑄口縫痕再用鉄滾過槽滾過末用布袋盛稻皮同鉛彈着實擦揉庶得光溜

### 圓彈

前說已盡茲不贅陳

### 响彈

亦名吼龍彈以生鉄鑄之鑄時於模內更為小模以空其心放時以空口外向則彈出銃口迎風而响如吼龍然

### 鍊彈

亦名鴛鴦彈形中分兩半彈心鑄成箭釘長大各五分如磨心相似以便箭合渾彈之邊際各鑄鉄鼻聯以百鍊鋼鍊或

長四五尺七八尺不等放時先以鋼鍊入口次以鉄彈合圓裝入彈出之際兩頭分開橫拉往前打過無敵

### 鑽彈

攻寨所用中以百煉純鋼打成粗條長一徑半粗得一徑四分之一兩頭磋成尖銃時先定中線毋使稍偏輕重長短以致歪斜不能直貫若攻營寨勢若拉朽

### 鑿彈

攻城所用亦以純鋼打成粗條長三徑粗得一徑四分之一兩頭磋寬大劍形鑿頭凡遇攻城先以此彈鑿破縫以圓彈擊之無不摧倒

### 分彈

一名橫彈以一彈中分兩半以鋼條為柄長二徑粗得一徑

五分之一中用鉄環為紐裝時以細繩輕縛放時則橫開向  
前此亦鍊彈之意

濶彈

亦名扁彈二圓分為四塊形如分彈但柄短一徑而鉄紐居  
中蓋取扁濶散陣之意

散彈

圓彈分為四塊每塊鋼柄長式徑粗始前然必輕重適均毋  
使偏墜此亦濶彈之制但所用更寬散

公孫彈

大彈一枚帶小彈不拘多寡不并裝時先以紙錢繫蓋藥上  
次裝小彈末用大彈壓口是名公孫

蜂窩彈

大彈一枚帶小彈碎鉄碎石及藥彈諸物多寡不并裝時先  
以諸物裝入末用大彈壓口是名蜂窩

製造狼機鳥機鳥鎗說畧

大銃宜用銅鑄小銃宜用鉄打其鉄用閩廣者佳但打銃全在煉鉄極熟搥筒全要煮火極到若不諳此法只恐薄而加厚又恐重而減短以致不能命中及遠并銃亦無用也又豈短鉄生筒踈心炸裂煉鉄炭火為上但北方煤貴無奈用煤燒鉄在炉時用稻草剉細推好黄土頻洒火中令鉄汁自出煉至五火用黄土和水作漿入細稻草浸至一二宿將鉄放在漿內泡沃半日取出再煉至十火之外必須生鉄十斤煉至一斤之時方可言熟

佛狼機係西洋國名鳥機即狼機之極小者是以茲器格理甚精設法甚密其意蓋恐銃短不能達遠命的故銃身必取其長又恐体長轉身不便難以裝放故又多設子銃更番提換一以

以便裝一以免熱其銃之身長大者自五十徑起至七十徑小者自七十徑起至百徑銃身之後外為半徑以托子銃其長必過子銃身徑後鑿拴眼以受壓拴子銃身小者十徑大五徑底各一徑底後伸出一徑以便拴壓口上套筭深長一徑銃之口徑小者自五分起以至一寸大者自一寸起至二寸銃之輕重鳥鎗自四斤至六斤鳥機亦同狼機自五十斤以至百斤城守者或用二百斤亦可鉛彈自三錢起至一兩鐵彈自四兩起以至二斤

是器之妙全在子母銃筒大小合一其兩口相接之際必為鴛鴦長筭渾湊緊密不得絲毫大小後拴鎮壓穩固故彈出平正直速自能遠中而且有力今人不諳此義以銃身後截即為半徑托銃蓋托銃既窄則子銃必小而薄合之母銃竟小數分且

彈不圓不入子銃腹內致藥發寸數而後及彈則藥力緩矣彈終脫口而母銃寬大燒蕩藥力散漫若此者是猶無母銃矣又何取於筒長欲遠中而力猛也

銃身捲筒小者用鉗大者用提架或三節五節煮成全体其各節之內先要筭定前後厚薄比例之數大約子銃筒徑之後應得口徑十分之八母銃後筒應得十分之六母銃前筒應得十分之三此狼機鳥機之例也若鳥鎗則火門筒應得八分徑口筒應得四分徑各節始此比例上下周圍厚薄適均其接縫合口之處更要極力煮熟於將合未合之時用鉄刷去重皮灰滓鏽煮渾化一体候各節既成然後接成長筒着實火煮敲打均直圓固筒成之時塞住一眼以滾水灌入腸者有隙處再均加煮火必期毫無滲漏方為良筒

狼機內外貼依大銃錠塘打磨其塘內更欲圓光滑溜子母合口翼縫着實緊密拴壓着實穩固前後炮門炮星正直無偏後柄稍低數寸以便着的不致礙眼

鳥鎗先鏟去粗皮分作八稜前後十字分中吊準墨線插置鑽架之上架頂用線吊下直對筒上墨線一樣用木翼定二人對鑽又一人用鉗將鑽根提着使鑽得以旋轉伶俐

鑽要長短五六尺根自一尺起每根添長三寸至三尺長止先鑽上口至中間翻轉從底再鑽相通為度交接之處更宜詳細看線


銃筒既已鑽去粗皮又另換長鑽光洗其鑽之牙頭須長五寸頂頭一寸畧作尖銳中間四寸務要均直大小一般其筒洗出始直若如枣核子鑽時隨灣就灣其筒畢竟歪斜不得均直銃

掘似當外記

筒鑽完鏟磨停當用鉄一條磋成螺螄旋或七層九層十二層後尾方長寸許似微大再用鉄一塊打成方眼將螺螄底方頭挿入眼內將筒翼定架上下螺螄底放入銃後門用鉗擰入將後尾磋去止留方頭五六分

火門用鉄磋成作馬蹄翼將筒後根鑿一溜下寬下窄將火門安入其眼宜小次安火門蓋及後紐等件炮門炮星後尾俱炮狼機

銃床必要木綾端直軋挺方為可用若歪斜則放時振動搖撼銃亦因而不準又必須漆過則不怕水濕



鳥機



籜



子銃



狼機

母銃




籜



子銃









噴筒



火箭




鳥鎗



鳥鎗

噴筒



製造火箭噴筒火確地雷說畧

火箭以稍過棉帛捲筒緊厚為度每下藥一匙打一百錘第二匙加一百錘以後始數進加每筒約至打四千餘錘則發始遠而且勁猛藥箭須要麻楷灰他灰不能透出鑽孔之法以藥分為十分約鑽至七分為止多則通頂出火不使其孔要直不直則歪以鉄桿打成自然者更妙且要寬大可容三根藥線出則透而有力若孔細則線少火微出則低而無力矣箭鏃長五寸要寬大倒鬚桿要堅直長三尺或四尺重三兩或四兩用藥二兩五錢若為放火燒燃之用必加後火始得易着其放法必加溜筒方可命中筒外以礬帛托油帛兩層色裏底過夏不致走硝可以久留又有以此法造成數倍然重大者即名飛鎗飛刀飛劍是矣

噴筒以二寸徑粗竹三尺五寸去節鑿光為筒大頭朝上外用  
籐絲緝箍五道均箍于筒之外於下頭五寸之際留竹底一節  
下安木柄長四尺粗寸餘套柄之處用鉄釘箭之於筒內以不  
木灰膠礬水調成漿水周圍均澆一次俟乾再澆一次底上以  
不木灰膠礬水調泥築實四五分厚其膠礬分兩膠一兩礬二  
兩水二斤照常熬兌裝藥用小竹筒三尺五寸去節裝粗壯雙  
藥信於內挿入筒底四圍裝火藥一徑築實下藥彈一徑其彈  
與藥兩分相半如此裝滿至頂空一寸許用合口火藥餅一個  
蓋之餅心留孔以通藥線傍用碎帛塞緊裝畢將竹管送客拔去外  
用礬帛托油帛拴住筒口中亦留孔以通藥線若行營更加油  
帛二層連藥信一并蓋住用時去外一層點放高十數丈遠可  
四五十步寬可數十步此名滿天星噴筒亦名一窩蜂無論戰

與守凡係近用持柄任意噴燒傷敵極寬衆若為燒焚之用則  
以徑大藥餅兩旁開竅如銀錠樣裝時用小竹管二根各裝藥  
信挿入筒底兩邊裝藥一層下餅一個餘法始前此名飛天噴  
筒亦名霹靂火燒帆焚塞疔必不可少者  
火礮亦名萬人敵亦有用生鉄鑄成圓形名西瓜炮者總屬一  
類每礮用炸藥一斤或二斤或三斤不等雜裝爆杖飛鼠鉄疾礮碎  
鉄碎石礮灰磁砂等物其鉄石疾礮要製過灰砂要炒過其分  
兩每炸藥一斤雜物二斤其礮用裏外有硫庶免過夏發潮之  
虞礮口宜小且要束頸以便拴固礮外用四耳：上各拴粗麻  
繩一截繩之兩頭各留二寸蘸黃放時將黃頭各點着隨便擲  
擊橫直炸爆一里餘寬敵甚衆此係城守水戰時刻不可少  
者

地雷亦名叟雷用裏外有銃礮礮大小不拘要小口東頭旁有寬嘴每礮用炸藥五斤十斤或數十斤不等裝入礮內約滿八分為度用小管一根始礮長短去節內裝粗信三根兩頭長出寸餘從口挿入礮內礮底用油帛封固上用礮碗扣蓋礮下挖坑數尺餘深將礮擱起在內以避水氣四圍用大小堅石堆砌高厚上用大石壓緊外用泥土封固如墳堆樣使人不疑亦有下挖深坑上為平地使人不疑者於礮口藥信處用小礮盆着烘藥緊置口邊以便安接走線點放上用大礮盆多覆以防雨水此法大約宜於高阜不宜於低窪蓋恐雨水浸灌之意此係城外埋伏隘口要亦必不可少者其用礮礮之意一則取其能避雨水一則取其倘或未用亦可以收回也

火攻挈要卷下

目錄

提硝提磺用炭諸法

配合火藥分兩比例及製造晒晾等法

收貯火藥庫藏圖說

火攻諸藥性情利用須知

火攻佐助諸色方藥

試放新銃說畧

裝放各銃豎平仰倒法式

試放各銃高低遠近註記準則法

各銃發彈高低遠近步數約畧

教習裝放次第原銃諸法

運甌上台上山下山諸法

火攻佐助藥方附餘

本營自衛藥方

火攻要畧附餘

火攻根本總說

其部伍營陣法令及臨陣機秘另載將畧各卷內

火攻挈要卷下

泰西湯若望授

寧國焦勗纂

涿鹿趙仲訂

提硝提磺用炭諸法

提硝用鷄蛋青每硝十斤用蛋五個或十個視硝質之清垢如何以為加減不必拘數預備有耳大新鉄廣鍋二口先用一口量可容硝若干大約以平鋪半鍋為度將蛋清入內用手極力揉搓拌勻漸加以水傾入彼鍋以水浮硝面一拳為度然後發火煎熬以大木匙常川攪勻俟大滾數沸垢沫漂浮用細密竹箴筩撈去再攪再煎不可太老亦不可太嫩以草棍蘸水硝滴於指甲之上即成突起圓珠便是火候用有甌新磁缸一口以

夏布二層將缸口瞞定以鍋內硝水傾入濾過俟三五日後硝已成牙將浮水另換磁缸之內取硝晒干研細以細絹羅篩過篩聽候配合其水中未盡之硝用前法再熬一次將硝取盡則餘水不必存矣

又方用甜水高硝面二寸為度每硝二十斤用水膠一片先泡開大蘿蔔一個切作四五片皂角二條鎚碎炭灰汁水四兩同入硝鍋煎熬以大木匙着實攪勻俟大滾數沸將浮膠垢沫去淨候蘿蔔已熟用細夏布二層濾去磁盆澄二日去水取硝研細聽用取硝之時着牙頭明方可取用若不明亮尚有鹹味則是碱未盡不可入藥當入前法再煎再熬一次取其餘硝此方以硝質原無他垢以生產地中多雜鹽碱結成珠不知硝性主燃鹽碱生滯若一毫未盡淨則硝之力不猛烈矣故亦必用灰

汁諸物正欲盡去鹽碱淨還硝質之本耳提磺用生者佳先搗碎揀去砂土每磺十斤用牛油二斤麻油一斤用有耳大新鉄廣鍋將油入內盪過使不沾磺然後以搗細之磺徐徐投入以大木匙旋攪鍋底勿使少停俟磺鎔開用細夏布萊萬隨時撈去滓垢其鍋口宜大於灶數寸為妙以防火焰其火宜用炭不宜用柴恐柴火焰燃入鍋內即炭火亦不宜太旺恐鍋熱而磺即燃當備瓦數片在傍以防鍋熱蓋壓其火待磺已化盡將鍋撥起離火又毋令冷滯速以細麻布濾入磁缸候冷則油浮於上磺沉于下去油用磺研細聽用倘油氣未盡則用薄棉帛一層包裹磺外入乾炉灰內埋一二日其油自淨矣又方每磺十斤用牛油二斤用水煮化以搗細之磺徐投入內其水不可太多務使與磺相平以木匙極力勻攪俟鎔

煮刺許，漸加以水不可太多，務高磺面三寸為度，用細夏布袋，  
驚撈去渣垢，再熬再撈，另以細夏布濾入有甌罇缸之內，候冷  
揭油去水，取磺用。

此方以磺中之滓垢固為難淨，而磺中之油性更為難淨，人  
知以牛油去磺之垢是矣，至若油之藏伏磺者，一毫未淨，則  
磺性終不猛也，故先用油中入淺水，煮攪以去滓垢，更用  
深水滾沸，以去油性，則庶幾油垢兩盡，而磺得純淨之本質  
也。

炭用麻搯茄根為上，迎春梧柳為次，杉木為下，大約輕浮之木  
俱可用，但木俱要盡去皮節，柳木用正月取者有力，餘法照常。  
燒炭研末，羅細聽用，配合火藥分兩比例製造，晒晾等法。  
大銃藥方

硝四斤

磺十二兩

炭一斤

磺作加一零八  
炭作加二零五

烏鎗藥方

硝七斤

磺十兩

炭一斤

磺作零九之數  
炭作加二零五

火門藥方

硝一斤四兩

磺二兩四錢

炭三兩

磺作加一零二  
炭作加二零五

將硝磺炭三種，先各用大銅碾，末羅細，照前方分兩配合一  
處，用淨甜水拌成半乾半濕，定不可用苦水，恐有碱氣，又不可  
用木石及生鉄杆，搗之亦不可乾搗，恐乾搗與木石生鉄之  
器俱能生火，必將兌成火藥，放在銅鑲木椿銅包木杆脚碓之  
內，用人看實，搗其人須擇小心勤慎者，勿使毫厘砂土塵蒙  
藥內，恐搗擊之際，砂石相磕，偶而生火，貽害不淺，倘搗久藥干，  
再用水拌濕，搗萬餘杆，取出放在手心，燃之不熱，或用木板試

放畧無形跡烟起白色快且直者方為得法可用倘烟起黑色木板燃焦手心燒熱即用前法再搗如法方止俟藥已搗成即用粗帛細竹篩其大甌藥用粗篩成粟米珠唯火門藥不必成珠但多搗數時俟乾羅細另裝小罐待用

或謂藥既搗久力自猛烈不必成珠亦可殊不知諸凡物理精微莫測昔西國一兵偶而放甌發彈不及數步且聲亦不响再過數時放之甌又炸矣究其藥原係美藥問裝法仍始舊法諸人莫解甌師亦莫測其故及再四推度索彼原藥仔細詳看乃知此弊原因軍人帶藥奔走搖幌以致炭屑本輕漸浮於上磺質本重漸沉於下所以先放無力而不响者以炭多故也後放而甌炸者以磺多故也且甌筒多長若用細

藥則必粘貼筒上藥不到底發彈無力所以必欲成珠則諸弊可免但不可太粗恐裝不實必如前法庶幾可用

俟藥既篩成珠或用細席或竹筐鋪藥於上畧用樹蔭日色焙乾萬不可用暴日夏日晒之恐日中生火猝難救耳

俟藥晾乾用內外有甌罈一口須有束頸以便拴固罈外須用竹絡以便抬掇收藥務要稱準定數每罈百斤或五十斤以便分發庶免臨警稱散惶惶而失事也藥既入罈先用礬帛托油帛著拴緊上用大礬碟蓋在口外再用膠泥封固俟乾另交藥庫之內收貯

語疑誤

倘各軍貯領零藥因日久發潮即收酸菓汁或被雨水泉水洒濕如前法搗過篩珠晾乾則火藥之力仍舊猛烈矣





火藥庫

更樓

夾道

大道



庫

庫


庫

更樓

小庫



收貯火藥庫藏圖說  
 火藥原備防賊之用若收藏無法偶至自傷其害更大如小城  
 用藥不多不過分置各處靜時封鎖炭固或可無虞至若都省  
 邊鎮軍興之際未免常開局廠終歲製造積藥既多若無良法  
 收貯如京城王公廠盜甲廠安民廠屢變之慘豈非前鑒哉藥  
 庫之制總以避火為主最要緊者藥庫不可同在造藥之局亦  
 不可過近人烟密處更不可深藏玩害以致地中遊火偶發震  
 動地脉延禍極廣其庫基必擇閑空高爽之處以避濕氣其房  
 屋不得多用木料墻垣不用磚石只用土築房簷包入墻內墻  
 必包過房脊庫門用鉄皮裹緣不露寸木以絕招火之端庫房  
 之內用寸厚板漫平離地一尺五寸以絕地中遊火四隅用磚  
 砌曲折風孔以通濕氣孔內用銅網隔住以絕外面火入庫簷



四隅亦開曲孔透風孔內亦隔銅網以絕空中火入庫之內外  
一槩不得鋪葺糊墁及堆積柴草並芦葦稜<sup>稜</sup>稽蓋瓦夾籬之類  
門軍邏卒止許居住外層吹熨許用煤炭不許柴草以絕發火  
之根其庫房之大小<sup>多寡</sup>不拘定數大約一城之葉不宜總歸一處  
恐偶有失事復遇變警猝難製造即一處之庫亦不得接連合  
一只宜一二間或三間各為一庫俱用厚築土牆包隔各庫彼  
此相離二丈餘地庫門不得直對夾道必曲折開向外加土牆  
上門封鎖泉庫之外總用厚土圍牆一道高過房脊總牆之外  
各二丈寬許夾道夾道之外各築圍房一層四隅住邏卒門俱  
外向別房貯別器者門俱內向惟南面<sup>門</sup>之處多加圍牆夾  
道一條高濶始前夾道之外造圍房一列以數間為官府署所  
以數間為門軍住房廳房門俱內向其多餘房間不得令外人  
出入總門不必立大門樓只用磚券小門其各門路途不得直  
通到底俱要紆回曲折圍房之外各空大道一條寬二丈各與  
民房隔絕其大道之四隅各立眺樓一間四面開窓至晚各派  
邏卒二名在上輪替瞭望下安柵欄以阻人行其內外各門至  
晚各派門軍二名看守日間禁絕閑人出入違者即以奸細論  
罪官府入庫限伴不得私窺庫門其守庫軍卒務擇土著熟人  
仍互相保結連坐賞罰以示鼓勵斷不可妄用生人以防奸細  
管庫官不時巡察稽其謹怠

西洋另有小庫之制即於城頭開空之處附城裏面幫築方台  
之形高與城等大者見方三丈小者二丈周圍編以荆笆為牆  
用羊毛和泥塗於笆上外用桐油石灰披蓋三分餘厚其笆裏  
外兩層相距四尺其頂尖圓亦始周<sup>圍</sup>牆兩層泥抹灰蓋門用木

板鉄包裏外兩層曲折安置四隅上下曲折開孔透風亦不用  
網蔽之以防火氣其藥貯前用罈裝貯每庫可藏數萬餘斤將  
門封鎖只須二三邏卒輪流看管較之大庫更為省便州縣小  
城極宜倣此。庫之妙正取項圍不用木石磚瓦止用荆笆体  
輕料微縱有失事火性炎上一裹而起所傷無幾萬不可將藥  
藏貯寺塔城樓等處倘有不測則木石飛揚貽害不可言矣當  
事者慎之

西洋更有一法存貯火藥不可盡數合成但將各料煉淨研細  
分貯聽候臨用多以連抽齊衆合搗即日可成無患不及若將  
積之藥盡數合成恐積多日久偶遇地火遊行時有焚燒此人  
事之不謹耳非天定之謂也

火攻諸藥性情利用須知

火藥之性情迥異火攻之作用亦殊習此技者若非熟知諸藥  
本來之力與夫相需佐助之功則方藥之是非可否無從辨別  
製作之變易加減亦無從斟酌如硝性主直直者利于攻擊磺性  
主橫橫者利于炸爆炭性主燃三者利于噴發但炭有不一茄  
梗麻猪主烈葫芦竹箬主爆楊柳性急杉木性緩性既有異用  
亦隨宜以上係火攻常用之主藥也如雄黃急而焰高石黃燥  
而迅烈磺灰皂麵茶茺傷眼銀鈇烟砂礞鋒爛肉人言巴豆胆  
礬乾糞主毒松脂桐油主燒而鑽粘朝腦豆麵乾漆主焚而發  
旺艾胸烟聚而突起芦花銀杏葉火散而飛揚狼糞烟尖直挺  
江猪灰逆風返衝水馬虫見更急以上亦火攻偶用之佐藥也  
外有猛火油出占城國入水愈熾九尾魚脂出暹羅國遇風逞  
烈此藥雖難得物藥性亦所當知以上藥內多有非常用者似

乎不必濫稱，但為將之道正宜詳格物理，且偶逢奇正或可兼資，緩急不防咸備，恐臨機應變，隨宜施用，斟酌在人可矣。

火攻佐助諸色藥方

葉製毒彈方

硼砂 銀鈇 桐油 班貓

右各等分研細，將鉛鉄小彈及碎鉄碎石磁鋒等件俱先入人中汁內浸三日，炒干，將葉滾上着，致立斃。

葉彈方

柳屑 一斤晒極干 松香 三斤 朝腦 一斤 硫黃 一斤  
乾漆 半斤 牙皂 一斤 石黃 半斤 硼砂 半斤

右各研細末，以白芨麵或榆麵一斤調稀糊和勻，做成指頂小彈，晒乾聽用。此用以近燒人馬，緊鎖皮肉疼痛莫當。

且毒氣浸發不時斃矣。

葉餅方

硝 二斤 磺 一斤 石黃 一斤 朝腦 一斤 乾漆 十兩  
柳屑 二斤 芸香 半斤 松香 三斤 好麻 六兩兩槌軟剪寸許長

右各研細末，用白芨麵一片或榆麵亦可，調成稀糊，投諸藥入內和勻，每餅用藥一兩七錢，加鉛三錢，入模印成餅子，兩旁各留圓孔，如銀錠樣，晒乾聽用。此用以燒帆寨，有如膠粘，卒難解救，燒焚之功最為第一。

火箭藥方

硝 十兩 磺 五錢 炭 三兩五錢

右味共研細末，拌勻，搗法焙前起火藥方。

硝十兩 磺三錢 炭三兩五錢

右方有加密陀僧五錢除炭五錢者搗合始前造法亦如

噴筒藥方

硝十兩 磺五錢 炭三兩配合研搗悉始前法

噴銃藥方

硝十兩 磺一兩 炭二兩雜物在外餘始前法

火礮藥方

硝十兩 磺三兩 炭二兩每火藥一斤用雜物二斤

地雷藥方

硝十兩 磺三兩 葫箬二兩 石黃五錢 雄黃三錢

用桐油巴油炒過

爆火藥方

硝十兩 磺五錢 班貓五錢搗合始前炭一兩五錢

火信藥方

硝十兩 磺三錢 葫箬灰三兩五錢 此係常藥若裝竹管亦可

埋伏走線藥方

硝高 磺一兩 炭三兩 班貓一兩 白砒三錢 朝腦三錢

水馬一兩

右始前法配合先燃麻線若干聽用以薄棉帛裁成直條一寸寬許將麻線順鋪帛上以信藥入內始常加粗二倍捻成圓條接續相連令其不斷外用礮水麵糊周圍抹過晒干令成硬條以免散開外用熟油帛為衣再用毛竹截斷長短不拘上下接連套合湊長可數十丈以接就藥線

入竹筒內隨套隨穿務與銃眼烘葉相連隨機點放可以  
過水入雨永不能壞也

又埋伏扁線藥方

藥方照前

用細布裁茶六分餘寬以稀麵糊刷過乘濕厚敷信藥于  
上雙成<sup>摺</sup>茶用棉紙纏固粘貼壁上令乾揭下用熟桐油淨  
封裹外用松香三兩黃蜡二兩朝腦五錢白矾三錢雄黃  
三錢石黃五錢水馬一兩班猫五錢先將松香黃蜡化開  
後將諸藥投入攪勻用黃牛尾刷子蘸藥將扁信勻刷一  
層令乾可避雨水

飛兔飛鼠方

即火箭起火之制但不用鐵桿紙筒畧短三分之一尾後

火兩頭各繫銅絲小圈以便走溜即是

火種方

不灰木

一斤

鐵末

三兩

硬炭末

八兩

麩皮

三兩

紅唐肉

六兩

右用泔水按成圓餅每餅重一兩用時燒通紅以燒過熱  
炉灰埋藏可經數日



試放新銃說畧

西洋鑄銃之法雖是詳備但以各處銅鐵質體之精粗不等地  
界水土之燥濕不同以致鑄時難保必成即雖彼處亦必萬分  
加慎於鑄成之銃外貌倘似完固而內體或有疎瑕以致試放  
而或炸裂者多矣是以試放新銃無論大小一概宜加謹慎防  
備炸裂其極大者用鉅木三根入土內丈餘夾銃而固繫之中  
者用小車照常架於車上先用半藥烘一二次再用常藥常彈  
實放二三次然後加倍彈倍藥點放數旬完固無變則永無炸  
弊斯為實用之利器也其加倍彈倍藥之說謂以常法大彈重  
五斤者所帶小彈亦重五斤共重十斤之數則用藥亦宜十斤  
此常彈常藥之說也今所謂加倍者謂將小彈外加五斤共重  
彈重一十五斤之數將藥亦加五斤共重一十五斤此即所謂  
倍彈倍藥也若所加太多則亦恐悞事試放之際預築鬆土厚  
牆置銃於牆外走線放之萬無疎虞若試狼機鳥鎗亦須倍彈  
倍藥試放數旬而無悞者庶臨陣之際始敢從容放心而擊敵  
也



裝放各銃豎平仰倒法式

裝放高下固在隨時取便但諸銃所用亦有各法不同唯豎放  
止有飛彪銃十一度十二度攻城可用倒放止宜守銃一度至  
四度守城時下擊可用平放之法最宜用於戰陣百發百中萬  
無一失仰放之法止一度以至六度上下不齊大槩宜於攻銃  
若飛龍銃亦當用仰法但學者不可拘泥亦不可錯悞唯相機  
觀變斟酌用之可矣


試放各銃高低遠近註記準則法

凡各等大銃既經試放無失必先分定各等次第挨次編立字號預造空冊一本將各字號挨次登記如某等某字某號銃一位依法照常彈藥用平度試放看準本彈所到之靶多少步數照數註記本銃之下又照常彈藥用高一度試放看準本彈所到之靶多少步數又照數註記如此依法照前自平度試起以漸試至六度而照數註準及各銃試準註完即照冊上原號原數挨次刻記暗號於各銃之上以便司銃者臨用之際量數遠近以為擊放之高下也俟各銃刻記完畢將本冊照樣共造三本一存鑄銃官留底一存帥府備察一存本將教練仍將各銃度分步數抄寫小帖分給司銃軍士責令熟記以便演習此法無論戰攻守銃皆所必用但守銃更宜詳悉如城之上其銃既有定位即將城外遠近地面或隘口或橋梁或要路約量緊急去處開常備細試放記明如某處遠者用某度可到某處近者用某度可到照數熟記明悉仍詳註暗號小帖隨身庶臨敵之際可從容暇裕隨宜擊放無有不中者矣其註記之例萬不可悞認彈到之處以為定則蓋火力迅急多有彈已落地仍復激起而去數里若是乃餘氣之所飄至實非正力之所推擊此等苗頭不但難於定準且強弩之末雖中亦無用也其法只以彈著靶者為準今篇內增繪三等圖式正防學者誤認而錯註也


豎放




平度




五度




仰放





倒放



五度到把



平度到把




各銃發彈高低遠近步數約畧

各銃大小迥異發彈遠近有殊用火攻者務須預知約畧以便臨敵之際酌量長短隨宜施用也

三號大銃用彈三四斤重者平度擊放可到四百步仰高一度可到八百步高二度可到一千四百步高三度可到一千八百步高四度可到二千步高五度可到二千一百步高六度可到二千一百五十步若高七度則發彈太高從上墜落其彈無力且及近矣諸凡放銃平仰度數之法皆可以此推例

二號大銃用彈六七斤重者平放可到七百步仰放可到三千五百步

頭號大銃用彈九斤重者平放可到一千步仰放可到五千步頂尖飛龍戰銃用彈二十斤重者平放可到七八里仰放可到





三十餘里

攻銃彈重十斤至四十斤者平放可到五百步仰放可到一千五百步以至五千步

小銃狼機用彈重半斤至一二斤止平放可到三五百步仰放可到二三千步

大銃狼機用彈重三斤至五斤者平放可到七八百步仰放可到三四千步

鳥機鳥鎗平放可到百餘步仰放可到三百步火箭亦同

以上俱係約畧大數蓋以銃塘有長短不同藥性有緩急不齊裝法有鬆緊不一故不便執定細數以滋疑慮倘必欲細數亦必將各銃依法備細試驗註記明白方可定數以為準則也

### 教習裝放次第及涼銃諸法

西洋教練火器未肯令草率粗技之人便許當兵糧必另有學教官大設教廠聽從民間有願習武者各開籍貫投詞里老親族連絡保結送入學內投拜學師群居肄業教官量才教授各藝朝夕演習就如幼童學藝一般不得時刻間斷以期速成俟藝將熟教官自行十日一考先將應用什物查看如一有遺忘一不如法者即照例行罰次以考藝簿冊每人各居一行各註於下中上三年九級款例隨藝填註高下進者有賞退者有罰原等者免罰再考原等者量責示辱以為激勵三次原等者倍責四次原等者再責五次原等者免責逐回改業又約學藝限期以一辱為度必欲造成若逾期不成即行革退不許復留以滋勞費其一應器械飯食悉係官給學者一無所費但亦無廩

糧必俟學成精藝方許教官開送選武官處先將一切器械藥  
彈等件逐一察驗是否全備合法驗畢無差然後演試各藝大  
約以十發而中五六者止稱通藝不准收用仍令回學再習十  
發不差一者稱成藝方准收入營內厚給廩糧衣甲年件候用  
立功即名武士其儀服飾咸旌異之以示高貴百發不差一  
者始稱精藝其給廩旌異超等優示其教官之責即以所教武  
士技藝精粗多寡以為升降賞罰其餘法製另詳將畧練藝叁  
內

凡初學火器無論大小新舊切不可遽用常藥裝放蓋銃冷及  
天冷雖厚者亦驚裂必先用半藥烘過一二次然後照常裝放  
屢試無病方可以授學者凡初學切不可用他人及未經貫者  
裝炮裝銃倘偶有裝成者亦必用柵杖探過深淺如何然後可

免疎虞

凡彈必要逐一看驗圓潤與否務與銃相合仍將各彈俱要裝  
入本銃筒內上下滾過不碍止畧小一線則出便利而銃亦不  
受傷

凡初學先將銃身安置平正以炮門炮星對准把子令學者做  
成架勢着信藥於火池內旁着二人點火看烟起時頭不仰避  
目不閃動然後令其自點看頭目兩手不動然後着藥在內撞  
緊空放看銃响時身子頭眼俱不慌亂然後看彈打把蓋初學  
秘法全在循序而進久練熟慣以使胆壯心定則技自能漸精  
若不循次序遽令着彈打把則心驚手戰諸病不可除矣凡裝  
銃必先以銃筭細掃淨然後裝藥下彈蓋恐銃筒之內畧有  
砂土則出猛烈而壞矣

凡裝藥用合式銅鍬素經量稱藥數有定準者每次用藥一鍬裝入筒內底邊用藥撞緊然後下彈又法恐用鍬稍遲先以員木照銃口空徑或布或裱紙始樣做成藥袋長四徑有餘量准藥數定規俟裝滿封固縛緊銃口畧小一分以便裝入不致滯澁上書以號以免差誤臨用裝入銃腸撞緊以鍬雖破其布紙用信藥引放尤竟便利不致遲悞

凡裝彈先用故絹色裹縛勻或故布亦可塞入腸銃庶免寬而滾溜又須緊貼藥上則火力猛烈出彈自遠而且準矣

凡打把先以右眼對照門對照星照星與把無或偏上下學者必須備細詳察其性看其所出之彈落地偏向如何隨偏湊就則萬無一失者矣凡銃把以木為框高六尺寬一尺五寸外釘芦蓆糊蓋白紙上畫紅日三輪立於平淨鬆土之地以便彈落

塵起得知落頭偏向之病其把之遠近如小者自六十步起以至百步大者自百步以至二百步若太遠則眼力有限不便看利弊

凡銃若放久筒熱則以銃筵蘸米醋攪潤內外則醋行火斂不必待涼而可裝放

凡鳥鎗放法西洋多站立側身向前以單手挺架而點放者亦有左手之下加一柱杖者蓋因彼處戰陣多用步兵且器技相爭兼以習慣藝精拚死激戰始宜此法耳若教練我軍以禦強虜自非攢營結陣而進萬不能當今之鳥銃又有於前床一尺之下順安指大支棍長二尺於棍頭二寸之際銷孔以粗棉繩拴繫活扣可以交叉為鼓架之形臨放先將支棍架定鎗首銃士蹲足以銃尾安架左膝之上庶前後穩當不致搖動而可從

容以討準矣。故完將支棍順床拴定，更為輕便。凡初學秘要，首欲習慣精熟，練壯胆氣，以從容審決，必中為主。若畧生疎，則手慌心亂，必難命中。且行軍所帶藥彈，有限臨敵忙迫，裝放亦甚艱難。况火器又在諸器之先，交鋒之始，凡欲壯我軍之胆，挫敵人之氣，勝負關頭全在此。既之中與不中，又豈容莽撞乱放，以致悞事哉。司教練者，謹記謹記。

### 運銃上台上山下山諸法

俗謂西洋火銃雖精，但恐沉重，不便行動，殊不知西洋每銃必配有銃車，其制作堅利活便，可以任意奔馳，即升高渡險，亦另有起引之法，可以運重為輕，而不致阻滯也。

運銃上台，先於台下挨邊之際，設立起重一架，又挨邊安置直引重一具，台後安設橫引重一具，各用寸徑粗麻繩一根，先將銃車起至台，上次將各繩同拴大銃耳際，務令兩頭輕重適均。每器用壯夫四名，齊力較轉，雖極重之銃，可以頃刻而升起矣。俟銃上台，更加卅起數尺，即將銃車安置，銃下將銃從容放落，安置停妥，又省後次安置之勞也。

運銃上山，先將大銃炮常安置車上，次於山上路徑隨處修平，毋令欹斜，以致傾跌于轉灣之處，用引重二具，各以寸徑粗繩

同拴斡車鉄環之上每一引重各用壯夫四名齊力較轉引至  
灣處將車轉過向前依法引之雖極高遠之山亦可繇漸而上  
升也

運斡下山亦用引重二具將繩蒲纏軸上置于斡車之後以繩  
頭拴繫車尾鉄環斡車左右用壯夫四名或六名各持鎗棍以  
備轉車之用兩傍扶車而行車後引重各用壯夫四名將引重  
轉棍極力持握從容漸放庶重車就下之勢不致滾溜而傾跌  
矣繩已放完將斡墊穩引重那近斡車將繩蒲纏軸上照前從  
容漸放過轉灣之際將車轉過照法放行

火攻佐助藥方附餘

放火藥方

芦花 十斤不見風日密室  
曬干再用桐油拌晒

松香 三斤

艾蒿

朝腦

豆麵 各一斤

乾漆 银杏葉

石黃 各半斤

班猫 四兩

右各研細末與火藥三七配合此方藥力迅利飛步高遠  
用以燒焚艱草營寨見此無不着矣

逆風藥方

狼糞

艾蒿 各八兩

江猪骨 一斤燒灰存性

江猪油 一斤

以前藥合油拌勻晒干研細與火藥三七配用此方力能  
鬥風凡用火攻若風不順必加此藥則逆風而愈硬矣

烽烟藥方

狼糞 百斤晒干研細

柳炭 二十斤

淨硝 十斤

榆麵 二十斤

先將硝用水煮化以榆麵調成稀糊將狼糞柳炭入內拌揉造成斗大線香之形晒乾遇警燃起烟冲空日黑夜紅風吹不散

本營自衛方

解火毒藥方

烏梅 一斤

甘草 一斤

右共研細末稀米糊為丸如指頂大每服一丸可解諸般火毒

又方用血餘灰燒存性每服五錢白湯送下可解諸毒

又方用萬年花

四時青

含香木

劉寄奴

右各等分為細末米糊為丸如指頂大每服一丸可解諸毒

避火毒藥方

凡製造諸般火攻毒藥必先用真阿魏抹擦口鼻眼耳可免毒氣浸入

敷火毒藥方

瓦松 一兩

雄黃 三錢

右用烏雞血和搗泥爛敷貼傷處立愈

貼火瘡藥方

鮮猪油 二兩五分

黃蜡 一兩

右先用藤黃二錢水二碗將黃蜡同入淨鍋煮化制過滾沸片時掇起聽用次將猪油熬化去渣投入蜡內攪勻成膏油紙堆貼傷處立愈諸般瘡毒及各樣傷處以此貼之俱有速效

火攻要畧附餘

凡火攻之事干係甚大若少不如法非止無益且傷害甚慘故  
凡所得方法雖稱異傳然亦不可輕用以致悞事必先度量理  
之是非再加親身試驗如果真善然後用之庶幾可免疎虞  
凡大小火器大約必宜本營如法自造為妙倘萬一不便偶用  
官銃或買新銃或陳久舊銃斷不可輕用以防悞事必先看驗  
体墳堅瑕如何制作長短厚薄如何銃塘光直如何火門高低  
何如果係合式即照前法試放數回庶可放心禦敵若体有蜂  
窩漏眼及鏽爛深窄此銃終必炸裂萬不可用若銃形頭大尾  
薄而身短者則發彈不遠亦不能命中且顛躍崩潰諸弊定不  
能免亦不可用若銃不光則發彈不遠不準且亦易熱必照前  
法另行鑄過或三次或五次定以員淨光直為止則放時斯有

實用若火門太高則銃必然倒坐當以探杖先量塘內銃底若干深淺再量外邊火門是否相合倘高幾許即將原眼用鉄条釘閉緊密塘內眼縫用不木灰調泥研緣另于緊挨銃底之際鑽火門則可免倒坐之弊若銃係生鉄則難鑽孔必量準火門比銃底果高幾許即以幾許厚銅片一塊照底徑鑿圓嵌入銃底之上用鉄撞緊及密傍邊微縫亦以不木灰調泥研緣俟干可用若小器火門用久為火力噴大亦當時常修理

凡鉛鉄石彈亦宜本營照依銃口如法自造為妙若用官彈則大小程度斷不能合式且長扁歪斜及鑄口縫稜斷不可裝用倘萬一無奈偶用官彈宜將大小各等比始銃口分配停當只許畧小一運仍入銃口內滾溜無碍方為圓厚合式若太大太小及歪扁者必宜改鑄若鉄彈有稜須將彈燒至紅熟鉗置圓窩鉄砧之上用鎚趁熱打圓如一火不勻再燒再打必以圓潤為止若鉛彈有稜用刀削圓仍以鉄滾槽滾過亦以圓潤為止凡火藥亦以本營自造為妙倘官藥亦必察明分兩是吾合法藥形成珠與否燃手心或熱與否方可試用若藥料有差或不成珠或潮濕或燃手尚熱俱要另行配足搗過如法方止

### 火攻根本總說

世之論兵法者咸稱火攻論火攻者咸慕西洋此言固為定論然而西銃之入傳於中國者不止數十餘處同一銃法何以歷建奇勳何以屢見敗績是豈銃法之不善乎抑亦用法者之未善耳搃之根本至要並在智謀良將平日博選壯士久練精藝胆壯心齊審機應變如法施用則自能戰勝守固而攻克矣不則徒空有其器空存其法而付託不得其人是猶以太阿利器



而付嬰孩之手未有不反以資教而自取死耳諺云宝劍必付  
烈士奇方必須良醫則庶幾運用有法斯可以得器之濟得方  
之效矣

火攻秘要目錄

攻銃說畧

熬翻說畧

模窰避濕

木模易出

泥模須乾

模心易出

光銅分兩

爐底避濕

化銅防滯

設棚避風

爐池比例

銃身比例  
修補銃底  
修整灣銃  
彈藥比例  
彈銃相宜  
彈制說畧  
製彈說畧  
裝彈機宜  
裝藥比例  
裝信說畧  
遠近之節  
衆寡之用  
寬窄之宜  
循環之法  
救衛之備  
斬將說畧  
擊零說畧  
掃衆說畧  
驚遠說畧  
驚近說畧  
攻城說畧  
守城說畧  
水戰說畧  
火攻紀餘

火攻問難

火攻索要

火攻慎傳

火攻需備

火攻需資

火攻推本

歸源總說

未盡機秘另詳

將畧各卷之內

火攻秘要

泰西湯若望授

寧國焦勗纂

泳鹿趙仲訂

攻銃說畧

西洋攻銃極大名虎嘒獅吼飛彪諸種同銃彈重百斤至五六百斤者蓋取彈重力大用以攻擊堅城無有不崩潰矣但銃體重滯少則數萬斤多數十萬斤斷非車輛牛馬及人力所能運重者其法即於敵城之外三五里之內擇有山崗崖岸墩台之處或立築活機城台以避城中外擊之患次於平地築起土台計筭尺量即就台心於模底之上預為徑寸泥繩以為火門之模造完着實煉乾傍置火炉數座將鉄一齊化開注入模內俟

稍冷將鉄取出火門通開灰土掃淨不須鑿塘齊口即時可用其飛彪銃亦有就地挖模鑄成者但造之際定要鑿就銃規十二度之例以定模體則俟銃之鑄成不必那動即可裝用蓋為銃重實不那動故也如虎嘍獅吼則于鑄成之時即于銃傍地上酌量銃規比炮攻城度數之例應得寬窄高下如何開挖停當將銃放倒即可裝用蓋亦以銃體太重不比他銃可以置之車上任意轉動故也

### 鰲翻說畧

鰲翻之說即裏城之別稱也中國亦有用之者但西洋不過運用有法更為猛烈而已其法必先酌量城之遠近池之深淺挖通地道正對地底中心不得高下歪斜以致差悞其裝藥之處必照城體挖長裝滿則所掀城口必濶若堆積一處則所掀城中亦窄矣又必于城底中心畧靠外邊裝藥則城之磚石泥土必俱飛落城裏畧靠裏邊裝藥則磚土必飛落城外又恐反傷我軍用藥定要多者萬餘斤或數萬斤裝滿銅腸預將大竹劈開去節用拳粗藥信接長油帛封固安置竹內挿入藥洞長通外口藥洞之傍用鉅石乾土築實臨用時走線點引入內其藥力猛烈掀揭鉅城如揭帛帛若用藥太少則火力微弱其城不過崩裂而已斷不能掀揭數丈而立破大口以便進我兵馬也以上二端係西洋之攻法最猛烈最機秘者無論城之堅瑕與否凡一經此法則從來未有能保存者矣

### 模窰避濕

凡銃模埋入窰內四圍必用乾土築實但避春夏之際雖二三月內亦必有地氣上升以致蒸濕模體則銃不可鑄矣其法先

于窑底之下以破磚搭起橋洞橋上用石條黃土鋪平以安甕模裏外各用竹筒下頭挿入洞內上頭向外通氣則可免蒸濕之患矣

### 木模易出

凡用乾木造模若經濕泥塗上其木模必將泡開而漲大矣日後必然難出泥模其法于木模既成之時先用熟礬水厚刷一次蓋取礬性能隔水氣濕泥不能泡之謂也候乾用砂皮磨光將羅細炭灰以清水調成稀糊刷在模上一分多厚要勻要光候乾始上炭灰上泥蓋取炭灰體質鬆浮以便日後敲取木模則不必費力而一敲可出矣

### 泥模須乾

其礬甕泥模務令萬分乾透兼用炭火燒過然後可用若微有

潮氣則銅缺入內必定噴出而不全到矣縱到亦必有蜂窩漏眼終為棄物耳

### 模心易出

其模心上泥待上九分徑許用指頭大粗麻繩從頭密纏至尾又用泥土勻盪光候乾再用羅細煤灰調濕上勻候乾聽用其用粗繩密纏之意蓋取熱銅注入內繩體必化為灰甕冷之後則模心寬蕩可易出矣若模心用泥則熱銅注入其泥亦燒熟成磚且與銅體銜成一家任用何法亦不能取出矣

### 兌銅分兩

凡鑄銅甕必先將銅煉過每銅百斤添兌上好碗錫八斤和調始剛柔得中而堅壯矣若全不用錫則銅體必過于脆若兌錫太多則銅體必過于柔矣

爐底避濕

火爐化銅，爐底之下最怕地氣上蒸，雖燒過極干之爐，臨期未有不潮濕者。若不預為防備，即銅雖化開，其貼底一層必然凝滯，有悞鑄時之急用矣。其法于爐之下預將硬磚搭成十字空洞，與火池相通，旁開竅以通濕氣，則化銅之際可免凝底之弊。

設棚避風

化銅之際更怕起風刮散火力，則銅必然難化。又化開出離爐口，經過溜槽下模之際亦怕起風吹冷銅汁，半途凝凍則錠亦難鑄成。其法先於台上四圍搭起蓆棚，三丈餘高，以避刮風頂上，免拾以通火氣。俟銅化開將出口之際，先將大爐口邊與模口邊及溜槽內用炭火着實燒紅，仍用蓆排棚數扇，將爐口模口溜槽等處蓋緣以避寒氣，則凝凍之弊概可免矣。

化銅防滯

凡欲化銅，先將火爐燒至通紅，然後下銅。即於大爐火發之際，先另用小爐燒紅，然後送入大爐。以後添銅入爐，俱要燒紅方可送入，庶免冷銅摻入，以致凝滯之弊。

爐池比例

爐池大小之制必先用法筭合銅體相當之數為妙。若太小則不能受銅，若太大則枉費火力。其法以周圍上下方徑一尺之池可鑄銅三百三十三斤，執定此數為準，則知用銅多寡，應造池之大小。其法可例推矣。其深淺之制不可太深，亦不可太淺。蓋太深則凝底太淺則費火。其法必以一六之數比例推筭，庶為合式。知池之深徑該用一尺，則寬徑橫直應得六尺是矣。

錠身比例

凡鑄銃用銅必先筭定本數恰足之外畧餘二分爲炒若太多則空費火力太少則鑄不滿矣其法以本銃貯用合口鉄彈輕重之數爲準合銃身一徑以十一倍筭之則知每徑應該用銅若干之數如鉄彈重十斤則銃一徑應得用銅一百一十斤如戰銃三十三徑則銃身該用銅三千六百三十斤常用大銃悉以此法比例推筭毫無差謬若飛彪狼機噴銃不在此例倘筭鉄銃則以十倍筭之足矣

### 修補銃底

凡螺螄銃底倘日久有壞不知筒內淺深長短何如不便造補必先將筒內用墨塗濕以硬帛一片捲作小筒入銃後門將紙撒開再用小圓研之即可印出筒內螺形然後照樣碾成補入庶免差悞

### 修補湧銃

凡鳥鎗用久或偶爲他物墜湧則銃不可用矣其法先將銃身烘熱用合口鉄条以絹裹包放在筒內安置厚板橈上用木垂顛直再吊一線看其湧直何如再顛可也

### 彈藥比例

火銃既分攻戰與守其銃塘自有淺深別制禦敵亦有遠近殊用故配藥更有多寡異宜司火攻者若不預定約畧謹記熟練倘萬一臨期悞事貽害不可言矣

凡火器量彈用藥小者彈作五分藥作六分中者彈藥相宜大者彈作六分藥作五分此尋常比例之畧數也

凡公孫蜂窩鍊彈諸種所帶鋼条鋼鍊小彈及碎鉄碎石藥彈等物俱作彈數分兩配藥其大小相配比例之法又以大彈每

重一斤小彈等物亦重一斤此定則也萬不可太多若飛彪豕  
銃則又以塘寬發近大小彈物必欲裝滿銃口為度蓋取其擊  
寬而斃衆也

凡攻銃體厚更欲推空彈藥俱可均用鳥鎗鳥機狼機之屬又  
以筒長擊遠配藥必用加二加三度藥多力猛而能遠到其飛  
彪豕銃噴銃所裝藥料彈物極多且塘寬遠近用藥只須四分  
彈作五分可也尋常大銃只是彈藥相均不必加減守銃務于  
擊寬用彈必帶小彈諸物甚多朝下倒放其彈藥亦必均用度  
幾有力

### 彈銃相宜

凡火器之道不過遠近寬窄之妙用其鉛鉄石彈等物亦有堅  
脆聚散之殊能故必隨宜酌施庶戰守攻取不致臨時悞事矣

凡鉛彈宜于鳥鎗鳥機及小彈之用蓋取体重透甲而傷命也  
凡鉄彈宜于大小狼機戰銃攻銃蓋取其体重硬以便擊遠攻  
堅破銳之用

凡石彈宜于短銃近發者蓋取其體脆見火碎裂散寬而斃衆  
也  
凡小彈諸物宜于守銃戰銃不宜于攻銃蓋戰與守患利寬  
而傷衆者唯攻則止用獨彈力能摧堅足矣

### 彈制說畧

西洋只以攻銃始用鐵鑄獨彈蓋取以堅攻堅之意若戰與守  
則不過取傷人馬足矣其彈又不在于大而堅而在于寬而廣  
也蓋謂獨彈之用如徑大一寸者其力只能攻一寸之厚如徑  
大五寸者其力亦止能擊五寸之寬若差半寸之外斷不中敵



矣西洋所謂大銃而小用者深可惜也是以大銃有分彈練彈  
濶彈散彈之製戰銃守銃狼機鳥機鳥鎗有公孫之製彖銃噴  
銃飛彪有蜂窩之製此非故為博巧炫奇止係深心物理變化  
多方窄銃而得寬用少銃而得廣用之利矣跡淺意深慎毋忽  
之

### 製彈說畧

銃彈雖稱首利之器然亦有傷人不死之時蓋為彈物若果中  
人致命之處則傾刻可斃不待言矣倘僅中腿膀厚肉穿皮而  
過則雖受傷亦未必死也是以西法於公孫蜂窩所用小彈及  
碎鉄碎石藥彈等件必俱用硝信諸藥如法製過度畧沾皮肉  
而人可立斃西洋亦謂弱彈而強用者是也

### 裝彈機宜

凡大銃用蜂窩彈者必將碎鉄碎石用朽絹或朽布各薄包一  
層安置銃之中心將小圓彈安放傍邊庶發彈之際不致傷銃  
其封口大彈始常更小一分庶發彈之際不致堆塞又免炸裂  
其大彈亦用朽絹或朽布包裹以免滾動之弊用公孫之法亦然

### 裝藥比例

凡裝藥比例之法銃規已詳備矣倘偶無銃規不知彈重多少  
應該用藥若干者則以本銃口徑為準如用鉛彈則裝藥五徑  
為度用鉄彈則裝藥四徑為度石彈則裝藥三徑為度蓋為鉛  
鉄與石輕重不同故也其彈亦以合口為準若彈大小則不符  
矣此係約畧秘規其法正與常數相合依法用之可免臨時錯  
誤也若用公孫蜂窩又必計量小彈及雜物分兩如法加配可  
也

藥信說畧

凡藥信之制最似粗跡無甚微奧者俱每以忽畧或多微細鬆軟及兩頭撒藥以到點放之際為害甚大其說為何蓋以微細則燃火不快鬆軟則難入火門兩頭撒藥則下頭急點不着下頭不能引火入塘是以造信之時必欲粗壯粘緊用麵糊抹過晒乾各隨長短剪斷兩頭用黃蘗過則藥撒而信体粗壯堅硬可以直入火門且藥多有黃易點速燃而又深達銃腹也

遠近之節

中國徒有火攻而不能取勝於敵者雖云製造之不精抑亦用法之未善也如遇敵兵或終見塵起即將火器極力擊放及至將近而反致缺誤是不知遠近之節空費急用於無用也今則不許輕發如大畧平度能到三四百步者則必待敵至五六十步而後發如小器平度能到百餘步者則必待敵至二三十步而後發此謂長器短用之法其命中可必而傷敵亦多也

眾寡之用

或前哨零賊始未窺探即將全營火器盡放是不明眾寡之用費多而獲少也今則不許浪用如零賊窺探不必盡發諸器亦不必坐視不應須派每隊另設小器一種專為擊零之用聽號如法施放則所彈藥不多而零賊亦不能脫漏矣

寬窄之宜

或敵兵四面圍蜂擁衝來而我猶以尋常銃彈擊之致彈少賊多不能盡殄是不識寬窄之宜利器而純用也今則不用常法如敵兵四面圍繞必另以公孫蜂窩諸術近發寬散如風捲潮奔雖敵兵愈眾必愈斃於羅網矣

救衛之備

俗謂兵家諸器無如火器為勝然而臨敵久戰或銃熱難裝或彈藥偶缺或風雨不時即火器亦有不可以專恃者又謂火器之用唯能以遠擊為勝然而敵兵未有先遠而後不漸近者是以必宜周慮始末預計萬全長技與短技間迭而出兵器與火氣互相為助擊法與衛法兼資以用且更以堅車密陣剛柔牌盾連環部伍長短兵器遠近相救彼此相衛此時雖不用火攻而勇之烈馬利矢亦無所以逞其能矣而况火攻更自有妙用不絕者乎必如是轉變不窮完固無缺則度幾戰勝守固而敵莫犯矣

斬將說畧

西洋臨敵交戰必先以法取其主將其法首欲伺明敵將之踪蓋將踪外狀必有潛藏而招牌暗號不無稍異我既有稍異而知是將則將平日所派每隊另備最準狼機一位彈用公孫之法更擇精技數人司之每面約備數十處不待臨敵不許隨諸器同放用專備斬將之用俟敵將近號令諸銃志向前來將如雨注蝗集拱眾而擊勢若萬帛攢羊從來未有能脫者也

擊零說畧

凡敵兵恃強故使零賊前來窺犯我則戾戒士卒不許輒動全營諸器肅靜以待預令原備斬將器技兼備擊零之用俟其將近約量銃力可及號令該司隨便擊打則零賊將來斷然不敢輕犯而我之全營火力亦不致於空費矣

掃眾說畧

凡敵兵令戾如蜂擁蝗聚拚死前進則斷非尋常器技所能殄

滅也必更用寬塘豕銃噴銃用彈公孫蜂窩之法俟其到近時令諸銃寬散迭擊則銃內所小彈及碎鉄碎石藥彈諸物如浪滾潮湧萬火齊發敵兵雖衆安得不悉死於火陣矣

### 驚遠說畧

凡敵兵遠來我欲令彼驚潰則先以遠鏡看明敵營所在次則測量地步遠近如何再以銃規筭合所到度数出其不意以飛龍大銃照準營頭連發數彈如雷從天降即雖強敵亦未有不驚散而奔潰也

### 驚近說畧

凡敵兵到近圍營死進我則始常隨機迭擊俟發彈數次銃氣少控之際潛令各營各用大小响彈兼以响頭火箭出其不意忽然向敵齊發聲若萬龍齊吼令敵莫測其故有如天降神異

敵雖萬分精強偶而聞此亦未有不魂飛而胆裂也

以上五端俱止就火攻而言其餘機秘另詳將畧各卷之內

### 攻城說畧

凡攻堅城先必遠駐五六十里之外俟夜半之際多方虛擊令其愴惶徐察稍瑕之處暗用筐土活城之法架護大小攻銃先以鑽彈摧倒城築使守卒不能存站次以鑿彈破其城磚末以帛啼獅吼大圓彈攻其牆心如扇軸排拱攢集而擊城雖堅固未有不立破也又以飛彪鉅銃蒲裝大小彈物從外飛擊城中房舍無不摧裂更有鰲翻挖洞穿入城底實藥千萬餘斤掀揭鉅城如紙飛空此皆西洋攻城最猛之技全恃火器之功力也

### 守銃說畧

西洋守城所用火攻無甚奇異但凡城之突處必造銃台制控

腰三角尖形比城高六尺安大銃三門或五門以便循環迭擊外設彖銃以備近發設練彈以禦雲梯台上另築眺台二層高三丈上設視遠鏡以備瞭望且各台遠近左右彼此相救不惟可顧城脚抑且可顧台脚是以台可保銃銃可保城兵少守固而功鉅也

### 水戰說畧

西洋水戰所用火攻雖以大銃為本亦更以堅厚大船為基海上戰船大者長六十丈濶二十丈中者長四十丈濶十二丈小者長二十丈濶六丈底用堅大整木合造底內四圍用鉛澆厚尺餘船体分隔上下三層前後左右安設大銃數十餘門其彈重五斤起以至數十斤其戰法專以擊船為主不必擊人先以一人坐於桅斗之上用遠鏡窺望俟敵船將近數里之內用銃對準擊放不必數彈敵船立成齏粉敵兵盡為魚蝦且更有鍊彈橫截船桅如利刀斬草有噴銃藥彈燒燬船蓬如燒紙片自古水戰之法技擊之強猛烈無敵亦稱西洋為極矣

以上三端亦止就火攻而言其餘機秘另詳將畧各卷之內

火攻紀餘

凡城中擊外當攻其堅又宜寬散蓋為堅處必彼之技擊所在  
寬散則傷彼者眾矣城外擊內當攻其瑕又宜攢聚蓋為瑕處  
則易攻攢聚則易破矣

火攻問難

或問兵法必以火攻致勝其說是矣倘敵人亦有則如之何答  
曰若兩火相敵唯用長器而遠擊者勝若兩長相敵唯裝放有  
法而疾速者勝若兩法相敵惟壯心齊而用命者勝

火攻索要

夫火攻何以重西洋乎為其能遠能準又能速也是以人莫能  
敵最可貴者此也故凡習此技者必究心于所以然製造之法  
與所以然運用之方得其要領肯綮則凡銳皆可化而為銳矣不

則若徒恃無敵之虛名而不獲致勝之實效則有西鏡何補哉

### 火攻慎傳

兵法所以禦亂也若匪人得之則反足以生亂况火攻又係兵法中之猛最者乎而師之所以不肯輕傳者為此故也且人嘗有言凡軍國秘機雖云不可秘傳然更不可妄傳曉詐技者謹哉

### 火攻需備

火攻雖稱兵法之首務然亦不過兵法中之一着耳若以總端言之則部伍營陣之制形名分數之法勸諭鼓舞之方臨敵戰閉之秘數者之於兵法孰非緊要之機宜乎是故以火攻論火攻則凡事務於精詳必自能得制敵之勝矣似未必獲全局之成功然則習火攻者更當于火攻之外兼求完備之道斯可矣

### 火攻需資

西洋火攻最精為其器精而兵更精故也殊不知精器必須重價精兵必須厚餉孔子言足兵必須足食言教之必先富之其意固已深矣然則論火攻者又不得不先為理財計

### 火攻推本

火攻之士卒固貴胆壯心齊而用命矣然胆不易壯心不易齊命亦不易用也必須賢能良將有完固必勝之畧能使士卒內有所恃外無所懼則胆不期壯而自壯矣有感召節制之方常與士卒恩威並用賞罰分明則心不期齊而自齊矣是則恩信結之于裏功利誘之于前炭刑迫之于後則命不期用而自無不用矣有此良將又何患火攻之不精功績之不成哉

圖書

朝陽書局



